

TARIKH	7 / 10 / 2012	SEKSYEN	Nasional
MUKA SURAT	3	RUANGAN	Dlm Negeri

Empat jemaah haji meninggal

MEKAH 6 Okt. - Empat jemaah haji Malaysia meninggal dunia di tanah suci setakat ini.

Pengurus Pusat Maklumat Operasi, Shafie Sharif berkata, kesemua mereka meninggal dunia di Madinah kerana uzur serta serangan jantung dan jenazah telah dikebumikan di Tanah Perkuburan Baqi berhampiran Masjid Nabawi.

Beliau berkata, pusat maklumat Tabung Haji yang beroperasi di Hotel Janadiriya di sini telah menyalurkan maklumat berhubung kematian jemaah haji berkenaan kepada waris mereka di tanah air.

"Semua urusan pengkebumian dikendalikan oleh Tabung Haji, dan bagi yang meninggal dunia di Mekah, jenazah akan dikebumikan di Tanah Perkuburan Maala atau Al Syarayek," katanya kepada wartawan Malaysia di sini hari ini.

Shafie berkata pihak Tabung Haji juga akan menyempurnakan upah haji atau badal haji bagi jemaah haji yang meninggal dunia sebelum sempat melaksanakan rukun haji iaitu Wukuf di Arafah pada 9 Zulhijjah bersamaan 25 Oktober 2012. - BERNAMA